

«ԵՐԵՎԱՆԻ ԼԵՈՅԻ ԱՆՎԱՆ Հ.65 ԱՎԱԳ ԴՊՐՈՑ» ՊՈԱԿ

*ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ
ՎԵՐԱՊԱՏՐՄՍՄԱՆ ԴԱՍԸՆԹԱՑԻ ՀԵՏԱԶՈՏԱԿԱՆ ԱՇԽԱՏԱՆԱՔ*

Առարկա՝ **Հայոց պատմություն**
Մասնակից՝ **Աթոյան Տաթևիկ**
Ղեկավար՝ **Սաֆարյան Արմինե**
Թեմա՝ **Պատմության ուսուցչի մասնակցությունը հաստատության
առարկայական մասնախմբի աշխատանքներին**

Երևան 2023թ.

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ.....
..... 3

ՊԱՐԱԳՐԱՖՆԵՐ/ՄԱՍԵՐ.....
.....6

ԳԼՈՒԽ 1. ԳՐԱԿԱՆՈՒԹՅԱՆ

ԱԿՆԱՐԿ.....
6

ԳԼՈՒԽ 2. ՀԵՏԱԶՈՏԱԿԱՆ

ՄԱՍ.....
.....10

ԵԶՐԱԿԱՑՈՒԹՅՈՒՆ ԵՎ

ԱՌԱՋԱՐԿՈՒԹՅՈՒՆՆԵՐ.....13

Եզրակացություն.....
.....13

Առաջարկություններ.....
.....14

ԳՐԱԿԱՆՈՒԹՅԱՆ

ՑԱՆԿ.....
.....15

ՀԱՎԵԼՎԱԾ.....
.....16

ՆԵՐԱԾՈՒԹՅՈՒՆ

Նպատակը և հետազոտական հարցը՝ հետազոտության նպատակն է մեթոդական աշխատանքների ուսումնասիրությունը դպրոցում , օրինակով ցույց տալ և ապացուցել, թե համակարգված և համագործակցային աշխատանքը յուրաքանչյուր մեթոդմիավորման ներսում որքան դրական ազդեցություն կարող է ունենալ ուսումնական հաստատության գործունեության վրա: Հետազոտական աշխատանքի հարցը հետևյալն է՝ «Նմանատիպ աշխատանքով հնարավո՞ր է ապահովել ուսուցիչ-աշակերտ կապը և բարձրացնել ուսումնառության որակը»:

Թեմայի կարևորությունը և նշանակությունը թիրախային խմբի համար՝ Ձևակերպել մեթոդական միավորման՝ որպես խորհրդակցական մարմնի կառուցվածքն ու հիմնական գործառույթները դպրոցում, հիմնավորել մեթոդական միավորումների անհրաժեշտությունը դպրոցում, օրինակներով ցույց տալ պատմության ուսուցչի կատարված աշխատանքների կարևորությունն ու արդյունավետությունը:

Որ առանցքային կոմպետենցիան է ուղղված նպատակի իրականացմանը. Մեթոդական աշխատանքի ժամանակակից մակարդակի ապահովման համար կրթական հաստատությունում կարևոր է կազմակերպել աշխատանք՝ ուսուցիչներին նորմատիվ փաստաթղթերի, մեթոդական և առարկայական նոր գրականության ծանոթացման ուղղությամբ: Մեթոդմիավորման նիստերում կարելի է ուշադրություն հրավիրել այն հարցերին, որոնք կապված են հանձնարարականների, հուշագրերի, ծրագրի առավել բարդ թեմաների քայլաշարի կազմմանը, առաջավոր մանկավարժական փորձի ուսումնասիրմանն ու տարածմանը: Անհրաժեշտ է մանկավարժական փորձին վերաբերվել զգուշությամբ ու խնամքով և հաշվետվությունների, հոդվածների տեսքով դրանք տեղադրել մեթոդական «գանձարանում»: Հնարավոր է կազմակերպել դասապլանների, ստեղծագործական աշխատանքների, զննական միջոցների, լավագույն տետրերի ցուցահանդեսներ: Մանկավարժական վարպետության կատարելագործման նպատակով մեթոդմիավորումը կազմում է դասերին փոխադարձ այցելությունների պլան-գրաֆիկ: Մեթոդմիավորման աշխատանքում մեծ նշանակություն ունի վարպետ ուսուցչի և սկսնակ մասնագետների միջև ծավալվող գործունեությունը:

Մեթոդիավորման աշխատանքներում կարևոր ենք համարում թվային գրագիտություն/տեխնոլոգիաների ինտեգրումը՝

- Մանկավարժները պետք է թվային գրագետ լինեն և կարողանան տեխնոլոգիական գործիքները հարմարեցնեն պատմության դասավանդման համար: Սա ներառում է նախագծման աշխատանքների վրա հիմնված տարբեր գործիքների առանձնահատկությունները, ֆունկցիոնալությունները և կրթական առավելությունների ըմբռնումը:
- Մանկավարժները պետք է անխափան կերպով ինտեգրեն թվային ռեսուրսները նաև մեթոդիավորման աշխատանքների մեջ , որպեսզի այդ գործիքները լրացնեն ուսումնական ծրագիրը և ընդլայնեն պատմության ուսուցման նպատակները:
- Մանկավարժները պետք է ստեղծեն կամ ընտրեն գրավիչ բովանդակություն, որը ներգրավում է աշակերտներին՝ միաժամանակ համապատասխանեցնելով կրթական նպատակներին: Սա ներառում է տեխնոլոգիայի օգտագործումը պատմության ուսուցման ինտերակտիվ և իմաստալից գործողությունների ձևավորման համար:
- Գնահատում և գնահատումը ներառում է թվային գնահատման գործիքների օգտագործում, աշակերտների ձեռքբերումներին հետևելը և նրանց հմտությունների զարգացման վերաբերյալ հետադարձ կապի ապահովումը:
- Ուսուցիչները կարող են հանդիպել տեխնիկական մարտահրավերների մեթոդիավորման աշխատանքներին նորեկներին ինտեգրելիս , իսկ թվային գրագետ լինելը նրանց հնարավորություն է տալիս լուծել խնդիրները, ուսումնասիրել լուծումները և ապահովել սահուն իրականացում:
- Մեթոդիավորման աշխատանքների արդյունավետ կազմակերպումը պահանջում է դասավանդման նորարարական մոտեցումներ: Մանկավարժները պետք է ստեղծագործաբար համատեղեն ավանդական մանկավարժական մեթոդները թվային գործիքների հետ՝ պատմության ուսուցման արդյունավետ և գրավիչ փորձառություններ ստեղծելու համար:

Ուսուցչի մասնակցությունը հաստատության առարկայական մասնախմբի աշխատանքներին թեմային , սովորաբար անդրադառնում են «Կրթական տեխնոլոգիաների ինտեգրում», «Թվային մանկավարժություն» կամ «Տեխնոլոգիաներով ընդլայնված ուսուցում» վերապատրաստման թեմաներին: Այս վերապատրաստման թեմաները կենտրոնանում են ուսուցիչներին գիտելիքներով և հմտություններով հագեցնելու վրա, որոնք անհրաժեշտ են տեխնոլոգիաները, ներառյալ մեթոդիավորման աշխատանքներին արդյունավետորեն մասնակցելու և ինտեգրելու իրենց ուսուցման պրակտիկային:

1. Կրթական տեխնոլոգիաների ինտեգրում: Այս վերապատրաստման թեման կենտրոնանում է այն բանի վրա, թե ինչպես կարող են մանկավարժները ինտեգրել կրթական տեխնոլոգիաների տարբեր ձևեր, ներառյալ թվային գործիքներն ու հարթակները, իրենց ուսումնական ռազմավարությունների մեջ: Հումանիտար առարկաների ուսուցման մեջ գնահատման տեխնոլոգիաների ինտեգրումը պատկանում է այս կատեգորիային, քանի որ մանկավարժները սովորում են, թե ինչպես օգտագործել գնահատման տեխնոլոգիաները պատմության և հասարակագիտության դասերին ներգրավվածությունը, ինտերակտիվությունը և ուսուցման արդյունքները բարձրացնելու համար:

2.Թվային մանկավարժություն: Թվային մանկավարժության թրեյնինգը ուսումնասիրում է, թե ինչպես կարող են փոխակերպվել ուսուցման և ուսուցման մոտեցումները թվային գործիքների միջոցով: Պատմության ուսուցչի մեթոդիավորման աշխատանքներին ինտեգրումը համապատասխանում է այս թեմային՝ ցույց տալով, թե ինչպես կարող են մանկավարժները վերանայել իրենց մանկավարժական մեթոդները՝ ներառելով ինտերակտիվ և հետազոտության վրա հիմնված գործողություններ՝ ստեղծելով պատմության ուսուցման դինամիկ և արդյունավետ միջավայր:

3.Տեխնոլոգիաների միջոցով ընդլայնված պատմության ուսուցում: Այս մասնագիտացված վերապատրաստման ոլորտը հատուկ անդրադառնում է, թե ինչպես կարելի է օգտագործել տեխնոլոգիան՝ բարելավելու պատմության ուսուցումը: Այն ընդգրկում է թվային գործիքների մի շարք, ներառյալ պատմության ուսուցման հավելվածները, առցանց ռեսուրսները և գնահատման տեխնոլոգիաները: Այս դասընթացի ընթացքում ուսուցիչները սովորում են, թե ինչպես ինտեգրել այս տեխնոլոգիաները՝ նպաստելու տվյալ թեմայի յուրացմանը, հաղորդակցման հմտություններին և մշակութային ըմբռնմանը:

ՊԱՐԱԳՐԱՖՆԵՐ/ՄԱՍԵՐ

ԳԼՈՒԽ 1. ԳՐԱԿԱՆՈՒԹՅԱՆ ԱԿՆԱՐԿ

Ուսուցիչների մեթոդական աշխատանքը կազմակերպող գլխավոր կառույցը առարկայական մեթոդավորումն է: Այն նպաստում է ուսուցիչների մասնագիտական վարպետության, մեթոդական կուլտուրայի, ստեղծագործական ներուժի բարձրացմանը: Պատմության մեթոդավորումների մեթոդական աշխատանքը կարող է ունենալ կազմակերպման հետևյալ ձևերը.

- Դասախոսություն,
- Սեմինար,
- ստեղծագործական բանավեճ,
- կոլեկտիվ ստեղծագործ աշխատանքի ժամ,
- մեթոդական մրցույթներ,
- մեթոդական վարպետության դասեր,
- բանավեճեր,
- որոնողա-ստեղծագործական աշխատանքներ, նախագծեր:

Առարկայական մեթոդավորումների աշխատանքներում որոշակի կարևորություն է տրվում նաև ուսուցիչների ինքնակրթության կազմակերպմանը: Առարկայական մեթոդավորումների աշխատանքներում առանձնակի կարևորություն է տրվում նաև ուսուցիչների ինքնակրթության կազմակերպմանը:

Մանկավարժական վարպետության կատարելագործման նպատակով մեթոդմիավորումը կազմում է դասերին փոխադարձ այցելությունների պլանգրաֆիկ: Ինչպես վերը նշել էինք՝մեթոդմիավորման աշխատանքում մեծ նշանակություն ունի վարպետ ուսուցչի և սկսնակ մասնագետների միջև ծավալվող գործունեությունը: Այս առումով անչափ կարևոր է յուրաքանչյուր ուսուցչի մասնագիտական որակները: Իսկ ի՞նչ են իրենցից ենթադրում այդ որակները:

Ուսուցչի մասնագիտական որակներից են՝

- նորը զգալու և ընկալելու կարողություն, գենդերային անկողմնակալություն,
- քննադատական մտածելակերպ, սեփական գործունեությունը մշտապես վերլուծելու, վերանայելու, ճշգրտելու , կատարելագործելու ցանկություն և կարողություն,
- սովորողի իրավունքների պաշտպանի, երեխային համաձևավորողի, ուսումնադաստիարակչական գործընթացը երեխայի համար հեշտացնողի դերերը մասնագիտական բարձր որակով կատարելու ցանկություն և կարողություն,
- դպրոցի, դասարանի և նրանում կատարվող բոլոր իրադարձությունների և փոփոխությունների մասնակիցը լինելու պատրաստակամություն:

Հոգեբանները գտել են, որ միայն այն գիտելիքներն են դառնում համոզմունք, որոնք մարդն ինքնուրույն է ձեռք բերում: Եվ եթե գիտելիքների սկզբնական ընկալումը կայուն չէ, ապա հաջորդող աշխատանքը պետք է լինի անհատական և պետք է իրագործվի այն ծավալով ու տեմպով, որ անհրաժեշտ են յուրաքանչյուր անձի: Իսկ դա հնարավոր է միայն ինքնուրույն կրթական գործունեության պայմաններում: Առավել արդյունավետ ձևով այն կազմակերպել հնարավոր է մեթոդմիավորումների նիստերի ընթացքում՝ արդյունքները ներկայացնելով տարբեր ձևերով. զեկուցումներ, բաց դասեր, ստեղծագործական հաշվետվություններ: Այս բոլորը պլանավորվում է նախապես և վերահսկվում է մեթոդմիավորման ղեկավարի կողմից:

Ինչպե՞ս պետք է կազմակերպել մեթոդմիավորման աշխատանքը դպրոցում:

- Աշխատանքային պլանում պետք է առանձնացնել հիմնական ուղղությունները, օրինակ՝ ուսուցման որակի բարձրացում, դաստիարակչական գործընթացի կատարելագործում՝ միտված երեխայի անձի զարգացմանը:
- Մեթոդիավորման աշխատանքն անհրաժեշտ է կառուցել ընդհանուր մանկավարժական խնդիրների շուրջ, որն այդ պահին ծառայել է դպրոցի առջև: Ընդհանուր թեմայի քննարկման ընթացքում մեթոդիավորման նիստերում ցանկալի է կոնկրետացնել այն:
- Թեմայի որոշումից հետո անհրաժեշտ է նշել դրա գործնական ելքի ձևը. ելույթներ սեմինարներում, բաց դասի ընթացքում աշխատանքի փորձի ներկայացում և այլն:

Մեթոդական աշխատանքի ժամանակակից մակարդակի ապահովման համար կրթական հաստատությունում կարևոր է կազմակերպել աշխատանք՝ ուսուցիչներին նորմատիվ փաստաթղթերի, մեթոդական և առարկայական նոր գրականության ծանոթացման ուղղությամբ: Մեթոդիավորման նիստերում կարելի է ուշադրություն հրավիրել այն հարցերին, որոնք կապված են հանձնարարականների, հուշագրերի, ծրագրի առավել բարդ թեմաների քայլաշարի կազմմանը, առաջավոր մանկավարժական փորձի ուսումնասիրմանն ու տարածմանը: Անհրաժեշտ է մանկավարժական փորձին վերաբերվել զգուշությամբ ու խնամքով և հաշվետվությունների, հոդվածների տեսքով դրանք տեղադրել մեթոդական «գանձարանում»: Հնարավոր է կազմակերպել դասապլանների, ստեղծագործական աշխատանքների, զննական միջոցների, լավագույն տետրերի ցուցահանդեսներ: Մանկավարժական վարպետության կատարելագործման նպատակով մեթոդիավորումը կազմում է դասերին փոխադարձ այցելությունների պլան-գրաֆիկ: Մեթոդիավորման աշխատանքում մեծ նշանակություն ունի վարպետ ուսուցչի և սկսնակ մասնագետների միջև ծավալվող գործունեությունը: Մեթոդիավորման աշխատանքի պլանավորման ընթացքում երաշխավորվում է ներառել հետևյալ հարցերը.

- Առարկայի տեսական և դասավանդման մեթոդիկայի հարցեր, հարցեր մանկավարժությունից և հոգեբանությունից (մասնագետների ելույթներ):

- Ծրագրում ընդգրկված բարդություն ներկայացնող հարցերի ուսումնասիրում և այդ կապակցությամբ մեթոդամանկավարժական գրականության իրազեկում:
- Նորմատիվ փաստաթղթերի ուսումնասիրում:
- Նոր դասագրքերի ուսումնասիրում:
- Երաշխավորությունների, հուշագրերի, զննական միջոցների մշակում:
- Միջառարկայական կապերի հարցեր:
- Տետրերի ստուգման հարցեր:
- Մանկավարժական առաջավոր փորձի ուսումնասիրման և տարածման աշխատանք. սեմինարների կազմակերպում՝ գործնականության ապահովմամբ:
- Նպատակային փոխադարձ դասալսումներ, բաց դասեր:
- Ուսուցիչների դասավանդման որակի և սովորողների գիտելիքների մակարդակի ուսումնասիրում և արդյունքների քննարկում:
- Սկսնակ ուսուցիչների հետ աշխատանքի կազմակերպում:
- Քննական նյութի նախապատրաստում:
- Սեմինարներ, խորհրդակցություններ:
- Առարկայական գիտագործնական համաժողովներ:
- Ինքնակրթության վերաբերյալ ուսուցիչների հաշվետվություններ:
- Մեթոդական նյութերի և մշակումների համակարգման կազմակերպում. դասապլաններ, ցուցահանդեսներ, թեմատիկ մշակումներ, դիդակտիկ նյութեր, զննական միջոցներ, սովորողների ստեղծագործական աշխատանքներ և այլն:
- Առարկայական արտադասարանական աշխատանքներ:

Ուսուցչի համար գործընկերների հետ համագործակցությունը խիստ կարևոր նշանակություն ունի: Օրինակելի փորձը, որը սկսնակ ուսուցիչը կարող է վերցնել ավագ ու փորձառու գործընկերներից, մեծապես նպաստում է, որպեսզի ուսուցիչն արդեն գործնականում պատկերացում կազմի այս կամ այն խնդրո առարկայի վերաբերյալ: Ուստի սովորել սովորեցնելով բանաձևն այստեղ լայն կիրառելի է: Այն ուսուցիչները, ովքեր ավելի փորձառու են, տեղեկացված են ավելի հետաքրքիր,

արդյունավետ և համարձակ դասավանդման մեթոդներին: Այս պարագայում հավանականությունն ավելի մեծ է, որ վերջիններս կարող են կառուցել արդյունավետ անհատական դասեր և ապահովել շարունակական ուսուցում: Նրանք ի վիճակի են կազմել և ընտրել դասավանդման այնպիսի մեթոդներ և միջոցառումներ, որոնց միջոցով համապատասխանաբար զարգացվում են աշակերտների ըմբռնումը և հմտությունները: Ստացվում է, որ օրինակելի փորձի փոխանակումը կարող է մոտիվացնել սկսնակ, ոչ հմուտ ուսուցիչներին ամեն կերպ գտնել ճանապարհներ նոր հմտություններ ու կարողությունների ձեռքբերման համար: Այստեղ իրականացված բազմաբովանդակ գործառույթները օգնում են ուսուցչին համակարգել իր ողջ մարդկային ներուժը, աշխատանքին մոտենալ ստեղծագործաբար, գնալ նոր ու հետաքրքիր գաղափարների որոնման ճանապարհով, ինչի արդյունքում աշխատանքը դառնում է համակարգված ու արդյունավետ:

Ուսումնական գործընթացը համակարգվում է, քանի որ մի նպատակի իրագործման համար աշխատում է մանկավարժների ամբողջ մի թիմ, բացառվում է ցանկացած անհատական շահ, բոլորը գործում են՝ նպատակ ունենալով համակարգել ուսումնադաստիարակչական գործընթացն ու բարձրացնել կրթության առաջնային շահակիցների՝ սովորողների կրթության որակը: Կրթության որակ հասկացությունը սերտորեն առնչվում է կրթության մատչելիությանը և, չնայած սրանք երկու տարբեր հասկացություններ են, այնուամենայնիվ փոխլրացնում են միմյանց: Եթե կրթության որակը հնարավոր չէ առանց կրթության մատչելիության, ապա մատչելիությունը իմաստազրկվում է առանց համապատասխան կրթական որակի ապահովման: Որակյալ կրթությունը միտված է ապագային և ենթադրում է ոչ միայն նախկինում առկա գիտելիքների ուսուցանում և յուրացում, այլև նոր գիտելիքների ստեղծում անհատապես կամ կոլեկտիվ եղանակով:

Գիտելիքաստեղծ գործունեությունը որակյալ կրթության հիմքերից է, որը կարող է բերել գիտելիքահեն տնտեսության, ժողովրդավարական հասարակարգի զարգացման, կյանքի զարգացման նոր ուղիների ու մոդելների ստեղծման ու զարգացման:

ԳԼՈՒԽ 2. ՀԵՏԱԶՈՏԱԿԱՆ ՄԱՍ

Որպես փորձարարական դասարան ընտրել եմ Ոսկետափի ավագ դպրոցի 12-րդ դասարանը՝

- հետազոտվող դասարանում աշակերտներների թիվն էր 18 աշակերտ՝9 աղջիկ, 9 տղա,
- աշակերտներն ունեին առաջադիմության ու զարգացման մոտավորապես միևնույն մակարդակը,
- հետազոտելի դասարանում ուսուցումն իրականացրել եմ Համագործակցային մեթոդի կիրառմամբ,
- Հետազոտության ընթացքում ուշադրության կենտրոնում եմ պահելու չորս աշակերտների, որոնք իմ կարծիքով կաշկանդված են և դժվարությամբ են մասնակցում դասերին:

Դպրոցի հետազոտելի 12-րդ դասարանում, ուր նպատակ եմ հետապնդում զարգացնել սովորողների մեջ արժեքային համակարգի ձևավորումը Հայոց պատմություն առարկայի դասավանդման ընթացքում , կիրառում եմ համագործակցային մեթոդը՝ որպես ռազմավարական գործիք: Համագործակցային ուսուցումը այլընտրանքային մանկավարժական մոտեցում է: Այն ենթանդրում է խմբային աշխատանքի համագործակցության նոր մշակույթ: Համագործակցային ուսուցման կարևոր պայմաններից է խմբի անդամների միջև դրական աջակցող փոխկախվածության ապահովումը: Համագործակցային մեթոդների կիրառումն ինքնանպատակ չէ. դրանք պետք է ուղղված լինեն սովորողների ինչպես մտավոր ու զգայական կարողությունների, այնպես էլ ինքնուրույնության, սոցիալականացման և այլ հմտությունների զարգացմանը: Մեթոդի ընտրության վրա կարող են ազդել՝

- ուսուցման նպատակները և խնդիրները,
- նյութի բովանդակությունը,
- ուսումնական նյութի ծավալը և բարդությունը,
- նոր գիտելիք ձեռք բերելու նկատմամբ աշակերտների շահագրգռվածությունը և համագործակցային հմտությունների մակարդակը,

- աշակերտների տարիքային առանձնահատկությունները,
- ուսումնական ժամաքանակը,
- ուսուցման նյութատեխնիկական պայմանները,
- ուսուցիչ –աշակերտ փոխհարաբերությունները,
- աշակերտների թվաքանակը դասարանում և այլն:

Հետազոտության շրջանակներում փորձարարական դասարանում ընտրվել են՝

- Հայոց պատմության դասագրքի երկու թեմաներ: Գիտափորձի իրականացման համար կիրառման մեջ են դրվել իմ կողմից նախապես մշակված դասերի պլանները,
- հետազոտության համար հիմք է ընդունվել « Հանրակրթության պետական չափորոշիչը,
- հետազոտվող դասարաններում մանկավարժական հետազոտության արդյունքները չափվել են մեթոդոմիավորման կողմից մշակված հարցաշար-քարտերի վերլուծության հիման վրա:
- Ձևավորող գնահատման մեթոդները- «Համագործակցային ուսուցման մեթոդ», «ՏՀՏ գործիքների կիրառում», «Մուտքի քարտեր» ,«Հարցադարան» , «Գիտելիքների բուրգ», «Խմբագրական խորհուրդ», «Արտաքին և ներքին շրջանակներ», «Չորս անկյուններ», «Երեքրուպեանոց դադար», «Ելքի քարտեր», « Մեդալ» և այլն:

Փորձարարական դաս-1. Այսօրվա դասն էր «Վերակառուցման քաղաքականությունը:Արցախյան շարժում» թեման: Դասաժամն սկսվեց տնային աշխատանքի ստուգումով. բոլորը ներկայացրին իրենց տնային աշխատանքները որոշակի սխալներով: Քննարկվեց տնային աշխատանքի սխալները , տրվեց բանավոր հետադարձ կապ: Այնուհետև դասարանը տարասեռության սկզբունքով բաժանեցի չորս խմբերի: Խմբերից յուրաքանչյուրը ստանում է մեկ թեմա, և պետք է դրա վերաբերյալ ներկայացնի իր ունեցած գիտելիքները, աշխարհաքաղաքական ներքին և արտաքին իրադարձությունների համատեքստում, նախ թղթի վրա , հետո ներկայացնել բանավոր: Նախանշված ժամանակի ավարտից հետո խմբերը հերթով ներկայացնում են իրենց թեման,

իրենց խմբի եզրակացությունը գրելով գրատախտակին: Բոլոր խմբերի ներկայացնելուց հետո համեմատականներ են տարվում այս չորս իրադարձությունների միջև, կատարվում է եզրակացություն: Ամբողջ դասի ընթացքում շեշտը դրվում է հերոսական կերպարների ու դրվագների վրա, վեր է հանվում ազգի և ժողովրդի լավագույն, վեհ կողմերի վրա, ուսուցանվում է, որպես օրինակ: Իմ նախանշած չորս աշակերտներից յուրաքանչյուրը ընդգրկված են խմբերից մեկում և աշխատում են համագործակցային ուսումնառության պայմաններում:

Փորձարարական դաս-2. Այսօրվա դասն էր « Հայաստանի անկախության գործընթացը » թեման: Դասաժամն սկսվեց տնային աշխատանքի ստուգումով, բոլորը ներկայացրին իրենց տնային աշխատանքները որոշակի սխալներով: Քննարկվեց տնային աշխատանքի սխալները , տրվեց բանավոր հետադարձ կապ: Այնուհետև դասարանը տարասեռության սկզբունքով բաժանում է երկու խմբերի: Խմբերից յուրաքանչյուրը ստանում է մեկ թեմա, և պետք է դրա վերաբերյալ ներկայացնի իր ունեցած գիտելիքները, աշխարհաքաղաքական ներքին և արտաքին իրադարձությունների համատեքստում: Նախանշված ժամանակի ավարտից հետո խմբերը հերթով ներկայացնում են իրենց թեման, իրենց խմբի եզրակացությունը գրելով գրատախտակին:

Բոլոր խմբերի ներկայացնելուց հետո համեմատականներ են տարվում այս երկու իրադարձությունների միջև: Ամբողջ դասի ընթացքում շեշտը դրվում է հերոսական կերպարների ու դրվագների վրա, վեր է հանվում ազգի և ժողովրդի լավագույն, վեհ կողմերի վրա, ուսուցանվում է, որպես օրինակ: Իմ նախանշած չորս աշակերտներից յուրաքանչյուրը ընդգրկված են խմբերից մեկում և աշխատում են համագործակցային ուսումնառության պայմաններում: Յուրաքանչյուր աշակերտ պարտադիր արտահայտում է իր կարծիքը:

ԵԶՐԱԿԱՑՈՒԹՅՈՒՆ ԵՎ ԱՌԱՋԱՐԿՈՒԹՅՈՒՆՆԵՐ

Ամփոփելով հետազոտական աշխատանքը գալիս ենք հետևյալ եզրահանգումների՝

- Ժամանակակից կրթությունն ուղղված է սովորողների մտածողության, մասնագիտական ինքնակրթության, ինքնուրույնության զարգացմանը, ինչը շատ կարևոր է նոր աշխարհում: Հետևաբար ուսուցչի մասնագիտական կարողունակությունների զարգացումն արդի կրթական պահանջների հենքն է:
- Դպրոցի համար կարևոր է կարողունակ ուսուցիչ ունենալը, ով արագ հարմարվում է փոփոխություններին, կրեատիվ է, կողմնորոշվող, անընդհատ թարմացնում և ավելացնում է իր մասնագիտական գիտելիքները, այդ թվում կարևորում են հումանիտար առարկաների, և հատկապես պատմության ուսուցիչների դերը այս հարցում:
- Մեր ուսումնասիրության արդյունքում փաստեցինք, որ ուսուցչի մասնագիտական որակների բարձրացման համար շատ կարևոր է գործընկերների հետ համագործակցությունը առարկայական մասնախմբերի

աշխատանքների շրջանակներում: Այդ աշխատանքների ճիշտ կազմակերպման արդյունքների մասին խոսեցինք փաստերով: Սակայն պետք է նաև նշել, որ եղել են խնդիրներ, որոնք հաղթահարվել են մասամբ:

- Կարևորում են հատկապես զեկույցների թեմաների արդիականացումը, որը կարող է օգնել մեթոդավորման բոլոր անդամներին անկախ փորձառությունից:
- Իրական և ճիշտ կազմակերպված դասալսումների անաչառ քննարկում կարող է լինել մեծ խթան ուսուցչի համար:
- Ուսումնական պրոցեսի արդյունավետության համար մեծ արժեք են ներկայացնում մեթոդական և առարկայան սեմինարիների մասնակցության շարունակականությունը և փորձի փոխանակումը գործընկերի հետ:
- Անհրաժեշտ ենք համարում վերահաստատել մեր այն պնդումը, որ առարկայական մեթոդական միավորումներում համակարգված աշխատանքի արդյունքում ուսուցիչը կարող է ունենալ մեծ նվաճումներ, հատկապես՝ բարձր ու նոր որակի ուսումնական գործընթաց:
- Նոր մեթոդների կիրառմամբ հնարավոր է վերացնել խոչընդոտները՝ ի նպաստ կրթության որակի բարձրացման,
- Առանձնահատուկ կարևոր են ժամանակակից կրթության ոլորտում աշակերտների կարողունակությունների՝ գիտելիքների, հմտությունների ,դիրքորոշման, արժեքային համակարգի գնահատումն ու արժևորման ձևերը,ստուգման տեսակներն ու միջոցները:
- Կրթական համակարգի ներկատարելագործումը որոշակի ջանքեր է պահանջում ուսուցչից: Այդպիսի միասնական ջանքերի արդյունքում է, որ տարբեր անհատներ ստեղծել և մեզ են ընձեռել բարեկեցիկ կյանքով ապրելու ,տեղաշարժվելու,հաղորդակցվելու ժամանակակից պայմաններ:Սոսկ սպառողի դերում չհայտնվելու համար մեր հետազոտություններն ու մոտեցումները պետք է համադրենք իրենց արդարացված միջազգային ուսանելի օրինակների հետ և հավելենք մերը:

Առաջարկություններ

Ամփոփելով հետազոտական աշխատանքը արել ենք հետևյալ առաջարկությունները, որը պետք է ապահովվի կրթության բոլոր օղակների համագործակցությամբ.

- Մանկավարժների վերապատրաստում և մասնագիտական զարգացում,
- Ուսումնական ծրագրերի ինտեգրում և հավասարեցում,
- Անհատականացում և հարմարեցում,
- Լավագույն փորձի փոխանակում,
- Այլ տեղեկատվություն :

ԳՐԱԿԱՆՈՒԹՅԱՆ ՑԱՆԿ

1. <https://www.arlis.am/documentview.aspx?docid=114876>, ՀՀ կառավարության որոշում:
2. <https://old-lib.armedu.am/resource/846>, Պաշարների շտեմարան:
3. <https://hy.cultureoeuvre.com/10762739-how-to-choose-an-interesting-topic-for-yourreport>:
4. Մանկավարժական ռազմավարություն: Վերցված է edutechwiki.unige.ch կայքից:
5. <https://www.youtube.com/watch?v=K98EVPFrxMQ>
6. Ա. Թոփուզյան, Մանկավարժական միտք, 2012, «Ժամանակակից ուսուցչին ներկայացվող պահանջները»: [education01.08.2017.pdf](#) Կրթության որակի ընկալումները հանրակրթական համակարգում:

ՀԱՎԵԼՎԱԾ

Մեթոդափափոքրման կողմից հաստատված դասապլան

Ուսուցիչ՝ Աթոյան Տաթևիկ

Առարկա՝	Հայոց պատմություն	Ամսաթիվ	12.09.2023	Կիսամյակ	II	Դասարան	XII
Թեմա՝	Հայաստանի անկախության գործընթացը						
Օգտագործվող նյութեր՝	<i>Գրատախտակ, կավիճ, դասագիրք, տետրեր, ՀԽՍՀ քաղաքական քարտեզ, ՀՀ քաղաքական քարտեզ:</i>						
Դասի նպատակը՝	<p>Ակադեմիական՝</p> <p>Աշակերտը, իմանա, որ՝</p> <ul style="list-style-type: none"> • Աշակերտը, իմանա, որ՝ 1990թ. մայիսի 20-ին անցկացվեց այլընտրանքային ընտրություններ, • 1990թ օգոստոսի 23-ին ԳԽ ընդունեց «Հոչակագիր ՀՀ անկախության մասին», • ՀԽՍՀ-ն վերանվանվեց Հայաստանի հանրապետություն: <p>Սոցիալական՝</p> <ul style="list-style-type: none"> • 1991թ. դեկտեմբերի 8-ին ԽՍՀՄ-ը փլուզվեց, • 1991թ. դեկտեմբերի 21-ին Ալմա Աթայում ստեղծվեց ԱՊՀ-ն: 						
	Ուսուցանման արդյունքներ, որոնք կփաստեն, որ ուսուցումը տեղի ունեցավ						
Վերջնարդյունքները	<p>Աշակերտը կարողանա՝</p> <ul style="list-style-type: none"> • Գնահատել տվյալ պահի ռազմաքաղաքական իրողությունները, • Նկարագրել այդ պատմական պահը, • Կապեր գտնել Հայաստանի և մյուս երկրների մեջ, • Վերլուծել միութենական մյուս երկրների վիճակը տվյալ պահին , • Համեմատել նրանց վարած քաղաքականությունը , • Եզրակացության գալ ընդհանուր իրավիճակի մասին: 						

Գործողություններ(Ժամ/տևողություն)	Ուսումնական գործունեություն <i>Աշակերտներ</i>	Ուսումնական գործունեություն <i>Ուսուցիչ</i>	Հարցադրումներ	Կիրառվող մեթոդ (ներ)
<p>5րոպե-սկիզբ</p> <p>10րոպե-ընթացք</p> <p>15 րոպե</p>	<p>Աշակերտները դասարանը պատրաստում են խմբային աշխատանքի համար և սպասում են ուսուցչի հրահանգներին, Ներկայացնում են տնային աշխատանքները,</p> <p>Խմբերից յուրաքանչյուրը ստանում է մեկ թեմա, և պետք է դրա վերաբերյալ նախ թղթի վրա , այնուհետ բանավոր ներկայացնի իր ունեցած գիտելիքները, աշխարհաքաղաքական ներքին և արտաքին իրադարձությունների համատեքստում:</p> <p>Նախանշված</p>	<p>Ողջունում է դասարանին, կատարում է ներկա բացակա, Ստուգել տնային աշխատանքները, բացատրել անհասկանալի մասերը,</p> <p>Աշակերտներին բաժանում է երկու խմբերի , բացատրում է աշխատանքի կանոնները և հանձնարարում է աշխատել: Խմբերից յուրաքանչյուրին տրվում է մեկ թեմա՝ Հայաստանի անկախացումը հայերի տեսակետից և Հայաստանի անկախացումը Ռուսաստանի տեսակետից, հանձնարարում է այդ</p>	<p>1. Ե՞րբ անցկացվեցին այրնտրանքային ընտրություններ:</p> <p>2. Ե՞րբ ընդունվեց անկախության մասին հռչակագիրը:</p> <p>3. Ե՞րբ փլուզվեց ԽՍՀՄ-ը:</p> <p>4. Ո՞ր երկրների մասնակցությամբ կազմավորվեց ԱԳՀ-ն:</p> <p>5. Ո՞ր պետությունները հռչակեցին իրենց անկախությունը;</p>	<p>Հարցադրումների մեթոդ</p>

<p>12րուպե</p>	<p>Ժամանակի ավարտից հետո խմբերը հերթով ներկայացնում են իրենց թեման, իրենց խմբի եզրակացությունը գրելով գրատախտակին:</p> <p>Բոլոր խմբերի ներկայացնելուց հետո համեմատականներ են տարվում այս տեսակետների միջև, կատարվում է եզրակացություն:</p>	<p>Թեման ներկայացնել աշխարհաքաղաքական թե՛ ներքին, թե արտաքին համատեքստում:</p> <p>Խմբերում աշխատելու համար տրվում է 15 րոպե:</p> <p>Ուսուցիչը հերթով մոտենում է խմբերին, անհրաժեշտության դեպքում ցուցումներ է տալիս, կատարում է շտկումներ:</p> <p>Ամբողջ դասի ընթացքում շեշտը դրվում է հերոսական դրվագների և կերպարների վրա, վեր է հանվում ազգի ու ժողովրդի լավագույն կողմերը, ուսուցանվում է, որպես լավագույն օրինակ:</p> <p>Նոր թեմայի</p>	<p><i>Համագործակցային ուսուցում</i></p> <p><i>Զրույցի մեթոդ</i></p> <p><i>Քարտեզագրման մեթոդ</i></p> <p><i>Հարց ու պատասխանի մեթոդ</i></p>
----------------	--	--	--

<p>Յրույե</p>		<p>հաղորդում աշակերտների մասնակցությամբ Ուսուցիչը կիրառում է « Մտագրոհ » մեթոդը, որպեսի հասկանա, արդյո՞ք խմբերը լսում էին միմյանց և կարո՞ղ են պատասխանել նաև դասի մյուս հատվածներին վերաբերող հարցերին: Ուսուցիչը զնահատում է լավ և ակտիվ աշխատող խմբերի աշակերտներին և առանձին աշակերտների:</p>		<p><i>Մտագրոհի մեթոդ</i></p>
<p>Տնային աշխատանք</p>	<p><i>Դասը հանձնարարել պատմել, աշխատանքային տեղերում դուրս գրել ժամանակագրական և հետաքրքիր փաստական տվյալներ:</i></p>			

